

575 Si sande zwô juncvrouwen dar
und bat si nemen rehte war,
daz si sanfte slichen,
ê daz si dan entwichen,
5 daz si ir brähten mære,
ob er bî lebene wære
oder ob er wære verscheiden.
daz gebôt si den beiden.
Die süezen meide reine,
10 ob ir dewederiu weine?
jâ, si beide sêre
durch rehtes jâmers lêre,
dô si in sus ligen vunden,
daz von sînen wunden
15 der schilt mit bluote swebete.
si besâhen, ob er lebete.
Einu mit ir clâren hant
den helm von sîme houbte bant
und ouch die vintâlen sîn.
20 dâ lac ein vil kleinez schiumelîn
vor sîme rôten munde.
ze warten si begunde,
ob er den âtem inder züge
oder ober si des lebens trüge;
25 daz lac dannoch in strîte.
ûf sîme kursîte
von zobeles wâren zwei gampilûn,
als Ilynnot der Bertun
mit grôzem prîse wâpen truoc;
30 der brâhte werdecheit genuoc

j. dar, *G

daz si r. n. (namen G) war, *G · und bat si r. n. war, *T (L Z Fr23)

vil om. *G *T

od ob er si l. tr. (Gelyptes blûte genvge L); *G (V) · o. ob er iht l. tr.; *T

er br. *G (nur GI)

*D: D *m: m (ohne 575.11–12) *G: G I L Z Fr23 (575.1–10) *T (Q): Q V

1 Initiale D G I L Z Fr23 9 Majuskel D 17 Majuskel D 21 Initiale I

1 sande] sante dô *m 2 nemen rehte] reht nemen (nyemen m) *m 3 slichen] slîchen D 5 daz] und *m 9 reine] beide reine (meine m) *m (I) 10 ob ir deweders iht weine, *m 11 Die Verse 575.11–12 fehlen *m 15 der schilt mit bluote swebete? *m 17 Einu] ir einu ([*ine]: Jr eine V) *m (V) 20 vil] om. *m 22 ze] nû *m